

"মিষ্টি বাচ্চারা -- এই ঈশ্বরীয় পঠনপাঠন হল 'দি বেস্ট', একেই সোর্স অফ ইনকাম বলা হয়, এই পড়াতে যদি পাস করতে হয় তাহলে টিচারের মত-এ চলতে থাকো"

প্রশ্ন :-- বাবা এই ড্রামার রহস্য জেনেও তাঁর বাচ্চাদের দিয়ে কোন্ ধরনের পুরুষার্থ করান ?

উত্তর :-- বাবা জানেন যে নম্বর অনুসারে সব বাচ্চারা সতোপ্রধান হবে কিন্তু তিনি বাচ্চাদের দিয়ে এই পুরুষার্থ করান যে, বাচ্চারা এমন পুরুষার্থ করো যাতে সাজা ভোগ করতে না হয় । সাজার থেকে মুক্তি পাওয়ার জন্য যতটা সম্ভব ভালোবেসে বাবাকে স্মরণ করো । চলতে - ফিরতে, উঠতে - বসতে যদি স্মরণে থাক তাহলে অনেক খুশীতে থাকবে । আত্মা তমোপ্রধান থেকে সতোপ্রধান হয়ে যাবে ।

ওম শান্তি । বাচ্চারা এখন জানে যে, শিববাবা আমাদের জ্ঞান আর যোগ শেখান । আমাদের যোগ কেমন, এ তো বাচ্চারাই জানে । আমরা যারা পবিত্র ছিলাম, তারাই এখন অপবিত্র হয়েছি কেননা ৮৪ জন্মের হিসেব তো চাই । এ হল ৮৪ জন্মের চক্র । এ কথাও তারাই জানবে যারা ৮৪ জন্ম গ্রহণ করবে । বাচ্চারা, তোমরা এ কথা বাবার কাছ থেকে জেনেছ । কোটির মধ্যে কয়েকজনই এ কথা মানবে । বাবা কত পরিষ্কার করে এই শিক্ষা দেন । বাচ্চারা, তোমরাও পুরুষার্থের নম্বর অনুসারে এই কথা মানবে । সবাই একরস ভাবে তো মানবে না । টিচারের পড়াকে সবাই একরস ভাবে মানবে না বা পড়বে না । নম্বর অনুসারে কেউ কুড়ি পায়, কেউ আবার অনেক মার্কস পায় । কেউ আবার ফেলও করে যায় । ফেল কেন করে ? কেননা তারা টিচারের মতে চলে না । ওখানে অনেক মত থাকে । এখানে একই মত পাওয়া যায় । এ হল আশ্চর্যজনক মত । বাচ্চারা জানে যে, বরাবর আমরা ৮৪ জন্ম নিয়েছি । বাবা বলেন -- আমি যাঁর মধ্যে প্রবেশ করি...একথা কে বলছেন ? শিববাবা বলছেন । তিনি বলছেন, আমি যাঁর মধ্যে প্রবেশ করি, যাঁকে ভাগীরথ বলা হয়, ইনিও তাঁর নিজের জন্মকে জানতেন না । বাচ্চারা, তোমরাও জানতে না । আমি তোমাদের এখন বোঝাই । তোমরা এতো জন্ম সতোপ্রধান ছিলে তারপর সতো, রজো, তমোতে এসে নীচে নেমে এসেছো । এখন তোমরা এখানে পড়ার জন্য এসেছ । এই ঈশ্বরীয় পঠনপাঠন হল উপার্জন, সোর্স অফ ইনকাম । এই পড়া হল "দি বেস্ট ।" ওই পড়াতে বলবে আই.সি.এস দি বেস্ট । তোমরা ১৬ কলা সম্পূর্ণ দেবতা ছিলে, এখন তোমাদের কোনো গুণ নেই । এই গায়নও আছে যে, নিগুণ হেরে যাওয়ার মধ্যে কোনো গুণ নেই । সবাই এমন কথা বলতে থাকে । তারা মনে করে ভগবান সর্বত্র আছে । দেবতাদের মধ্যেও ভগবান আছে, এই কারণে দেবতাদের সামনে বসে বলতে থাকে, আমি নিগুণ, আমার মধ্যে কোনো গুণ নেই.... কেবল তুমিই দয়া করতে পার । এমনও গাওয়া হয় যে, বাবা ব্লিসফুল, দয়ালু আমাদের উপর দয়া করেন । মানুষ বলে - হে ঈশ্বর, কৃপা করো । তারা বাবাকে ডাকে, এখন সেই বাবা তোমাদের সামনে এসেছেন । এমন বাবাকে যে জানে তার কতো খুশী হওয়া উচিত । বেহদের বাবা, যিনি প্রতি পাঁচ হাজার বছর অন্তর আমাদের আবার সম্পূর্ণ বিশ্বের রাজত্ব দেন, তাই কতো অগাধ খুশী হওয়া উচিত ।

তোমরা জানো যে, এই শ্রীমতে তোমরা শ্রেষ্ঠর থেকেও শ্রেষ্ঠ তৈরী হচ্ছে । তোমরা যদি শ্রীমতে চলো তাহলেই শ্রেষ্ঠ হতে পারবে । অর্ধেক কল্প রাবণের মত চলে । বাবা কতো ভালোভাবে বুঝিয়ে বলেন ।

তোমরাই ৮৪ জন্মগ্রহণ করেছিলে, তোমরাই সতোপ্রধান ছিলে, এখন তোমাদের আবার সতোপ্রধান হতে হবে। এ হলো রাবণ রাজ্য। যখন এই রাবণের উপর জয় পাবে তখনই রামরাজ্য স্থাপন হবে। বাবা বলেন যে, তোমরা আমার গ্লানি করো। বাবার নামের কীর্তন করার পরিবর্তে গ্লানি করে। বাবা বলেন যে, তোমরা আমার কতো অপকার করেছে। এও ড্রামাতে বানানো আছে। এখন তোমাদের বোঝানো হয় যে, এইসব বিষয় থেকে মুক্ত হও। এককে স্মরণ করো। এমন বলাও হয়ে থাকে, সংসঙ্গ ২১ জন্মের জন্য উদ্ধার করে। তাহলে কে ডুবিয়ে দিল? তোমাদের সাগরে কে ডুবিয়েছে? বাচ্চাদেরই তো প্রশ্ন জিজ্ঞেস করা হবে, তাই না। তোমরা জান যে, আমারই নাম বাগানেই মালী, কান্ডারী। অর্থ না বোঝার কারণে মানুষ বেহদের বাবার অনেক গ্লানি করেছে। তাও বেহদের বাবা তাদের বেহদের সুখ দান করেন। অপকারকারীরও তিনি উপকার করেন। ওরা বুঝতে পারে না যে আমরা অপকার করছি। ওরা খুব খুশী হয়ে বলে যে, ঈশ্বর সর্বব্যাপী। এখন এমন তো হতেই পারে না। প্রত্যেকেই নিজের নিজের পার্ট পেয়েছে। এও তোমরা জানো যে, প্রত্যেকেই নিজের নিজের পার্ট পেয়েছে। এও তোমরা জানো যে, যখন দেবী - দেবতার রাজ্য ছিলো তখন আর কোনো রাজ্য ছিল না। ভারত তখন সতোপ্রধান ছিল। এখন ভারত হলো তমোপ্রধান। বাবা আসেন এই দুনিয়াকে সতোপ্রধান করতে। এও বাচ্চারা তোমরাই জান। সম্পূর্ণ দুনিয়া যদি জানতে পারে তাহলে কিভাবে সবাই এখানে পড়ার জন্য আসবে। তাই বাচ্চারা, তোমাদের অগাধ খুশী হওয়া উচিত। খুশীর মতো খাবার নেই। সত্যযুগে তোমরা খুব খুশী থাকো। দেবতাদের খাওয়াদাওয়া ইত্যাদি খুব সূক্ষ্ম হয়। তাঁরা খুব খুশী থাকে। এখন তোমরা খুশী পেয়েছো। তোমরা জানো যে, আমরা সতোপ্রধান ছিলাম। বাবা এখন আবার আমাদের এমন ফার্স্টক্লাস যুক্তি বলে দিচ্ছেন। গীতাতেও প্রথম শব্দটি রয়েছে - "মনমনাভব"। এ তো গীতা এপিসোড, তাই না। গীতাতে কৃষ্ণের নাম দিয়ে সম্পূর্ণ দ্বিধায় ফেলে দিয়েছে। সেটা হল ভক্তিমার্গ। বাবাও এই জ্ঞান বুঝিয়ে বলেন এতে বিরক্ত কিছু নেই। কেবল তোমাদের তমোপ্রধান থেকে সতোপ্রধান হতে হবে। এ হলো তমোপ্রধান দুনিয়া। কলিযুগে দেখো মানুষের অবস্থা কেমন হয়ে গেছে। এখানে অনেক মানুষ হয়ে গেছে। সত্যযুগে এক ধর্ম, এক ভাষা আর একটিই বাচ্চা হয়। সেখানে একটিই রাজ্য চলে। এই ড্রামা বানানো আছে। তাহলে এক হলো সৃষ্টিচক্রের জ্ঞান আর দ্বিতীয় হলো যোগ। জ্ঞানের ধুরিয়া আর হোলি। মুখ্য বিষয় বাবা বলেন যে - এইসময় সকলেরই তমোপ্রধান জরাজীর্ণ অবস্থা, বিনাশ সামনে উপস্থিত। বাবা এখন বলছেন, তোমরা আমাকে ডেকেছ তোমাদের পবিত্র বানানোর জন্য। তোমরা পতিত হয়ে গেছ। আমাকেই পতিত - পাবন বলা হয়। তোমরা এখন আমার সাথে যোগ লাগাও, আমাকে স্মরণ করো। আমি তোমাদের সবকিছুই সঠিক বলে দেবো। বাকি জন্ম - জন্মান্তর তোমরা ভুল হয়ে এসেছো। তাই সতোপ্রধান থেকে তমোপ্রধান হয়ে গেছ।

বাবা বাচ্চাদের বলেন - মিষ্টি বাচ্চারা, তোমাদের আত্মা এখন তমোপ্রধান হয়ে গেছে। কে বানালো এমন? পাঁচ বিকার। মানুষ তো এতো প্রশ্ন জিজ্ঞেস করে যে মাথাই খারাপ করে দেয়। শাস্ত্রার্থ যদি করে তাহলে নিজেদের মধ্যে লড়াই করতে থাকে। একে অপরকে লাঠির আঘাতও করে। এখানে তো বাবা তোমাদের পতিত থেকে পবিত্র বানান, এতে শাস্ত্র কি করবে? পবিত্র তো হতেই হবে, তাই না। কলিযুগের পরে অবশ্যই সত্যযুগ আসতে হবে। সতোপ্রধানও অবশ্যই হতে হবে। বাবা বলেন যে, তোমরা নিজেদের আত্মা মনে করো। তোমাদের আত্মা যদি তমোপ্রধান হয় তাহলে শরীরও তোমরা তমোপ্রধান পাবে। সোনা যতো ক্যারেটের হবে গয়নাও তেমনই হবে। খাদ তো দেওয়া হয়, তাই না। তোমাদের এখন ২৪ ক্যারেট সোনা হতে হবে। দেহী - অভিমানী ভব। দেহ - অভিমানে আসার

কারণে তোমরা ছি - ছি হয়ে গেছো । কোনো খুশী নেই । অসুস্থতা, রোগ ইত্যাদি সবকিছুই আছে । এখন আমিই তো পতিত পাবন । আমাকে তোমরা ডেকেছো । আমি কোনো সাধু সন্ত আদি নই । কেউ আসে আর বলে - গুরুজীর দর্শন করবো । বলা, গুরুজী তো নেই আর দর্শন করাতেও কোনো লাভ নেই । বাবা তো সমস্ত কথাই সহজে বুঝিয়ে বলেন । যতো স্মরণ করবে, ততই তমোপ্রধান থেকে সতোপ্রধান হতে থাকবে । এরপর দেবতা হয়ে যাবে । তোমরা এখানে আবারও সতোপ্রধান দেবতা হতে এসেছো । বাবা বলেন, আমাকে স্মরণ করলে তোমাদের জং দূর হয়ে যাবে । তোমরা সতোপ্রধান হয়ে যাবে । পুরুষার্থেই তো হবে, তাই না । তোমরা উঠতে - বসতে, চলতে - ফিরতে বাবাকে স্মরণ করো । স্নান করতে করতে কি তোমরা বাবাকে স্মরণ করতে পারো না ? নিজেকে আত্মা মনে করে যদি বাবাকে স্মরণ করো তাহলে জং দূর হয়ে যাবে আর তোমাদের খুশীর পারদ চড়তে থাকবে । আমি তোমাদের কতো সম্পদ দান করি । তোমরা এখানে এসেছো বিশ্বের মালিক হওয়ার জন্য । ওখানে তোমরা সোনার মহল তৈরী করবে । তোমাদের কতো হীরে - জহরত থাকবে । ভক্তিতে যে মন্দির বানানো হয় সেখানে কতো হীরে জহরত থাকে । অনেক রাজারাই মন্দির নির্মাণ করেন । এতো হীরে, সোনা কোথা থেকে আসে ? এখন তো তা আর নেই । এই ড্রামাও তোমরাই জানো যে, কিভাবে চক্র ঘুরতে থাকে । যারা সবথেকে বেশী ভক্তি করেছে, একমাত্র তাদের বুদ্ধিতেই এই কথা চুকবে । নশ্বরের ক্রমানুসারেই তারা বুঝতে পারবে । এখানে বুঝতে পারা যায়, কারা খুব সেবা করে, খুব খুশীতে থাকে, যোগে থাকে । এই অবস্থা শেষের দিকে হবে । যোগই অত্যন্ত জরুরী । তোমাদের সতোপ্রধান হতে হবে । বাবা যখন এসেছেন তখন তাঁর থেকে অবিনাশী উত্তরাধিকার নিতে হবে । তোমরা এও বল যে, বাবা তো আমার সাথেই আছেন । আমি শুনছি । তোমাদের যখন শোনান, আমিও শুনতে থাকি । কাউকে তো শোনাবেন, তাই না । জ্ঞান অমৃতের কলস তোমরা মায়েরা পাও । মায়েরা সবাইকে তা ভাগ করে দেন । তারা অনেক সেবাও করেন । তোমরা সকলেই হলে সীতা । রাম হলেন একজন । তোমরা সবাই বধূ (ব্রাইডস), আমি হলাম পাত্র (ব্রাইডগ্রাম) । আমি তোমাদের শৃঙ্গার করিয়ে শ্বশুর বাড়িতে পাঠিয়ে দিই । গায়নও আছে যে উনি আমাদের বাবারও বাবা, পতিরও পতি । একদিকে মানুষ মহিমা করে অন্যদিকে গ্লানি করে দেয় । শিববাবার মহিমা আলাদা আবার কৃষ্ণের মহিমা আলাদা । সকলের জায়গা আলাদা - আলাদা । এখানে সবাইকে মিলিয়ে এক করে দিয়েছে । এ হলো অন্ধকারের রাজ্য, এখন তোমরা অবশ্য বাবার হয়েছ । তোমরা হলে শিববাবার পৌত্র - পৌত্রী । তোমাদের সকলেরই অধিকার আছে, এই বাবার কাছে তো সম্পত্তি নেই । সম্পত্তি পাওয়া যায় হদের আর বেহদের বাবার থেকে । তৃতীয় আর কেউই নেই যার থেকে অবিনাশী উত্তরাধিকার পাওয়া যায় । ইনি বলেন, আমিও এনার থেকে অবিনাশী উত্তরাধিকার গ্রহণ করি । পারলৌকিক পরমপিতা পরমাত্মাকে সকলেই স্মরণ করে । সত্যযুগে কেউই স্মরণ করব না । সত্যযুগে থাকে একজন বাবা আর রাবণ রাজ্যে থাকে দুইজন বাবা । সঙ্গম যুগে থাকে তিনজন বাবা - লৌকিক, পারলৌকিক আর তৃতীয় হল এই আশ্চর্যের অলৌকিক বাবা । এনার দ্বারাই বাবা আমাদের আশীর্বাদী বর্ষা দেন । ইনিও ওঁনার থেকেই অবিনাশী উত্তরাধিকার পান । ব্রহ্মাকে এডমও বলা হয় । গ্রেট গ্রেট গ্র্যান্ড ফাদার । শিবকে তো বাবাই বলা হবে । মনুষ্য ঝাড় ব্রহ্মার থেকে শুরু হয়, তাই তাঁকে গ্রেট গ্রেট গ্র্যান্ড ফাদার বলা হয় । এই জ্ঞান তো খুবই সহজ । তোমরা ৮৪ জন্মগ্রহণ করেছো । তোমাদের বোঝানোর জন্য চিত্রও আছে । এখন এতে উল্টাপাল্টা প্রশ্ন করার দরকারই নেই । ঋষি - মুনিদের জিজ্ঞেস করলে তারাও কিছুই না, কিছুই না বলে দেয় । এখন বাবা এসে নিজের পরিচয় দিচ্ছেন । তাই এমন বাবাকে কতো ভালোবেসে স্মরণ করা উচিত ।

এখন ড্রামা অনুসারে বাচ্চারা, তোমরা উপরে উঠছো । কল্পে কল্পে নশ্বরের ক্রমানুসারে কেউ সতোপ্রধান, সতো, রজো, তমো হয় । এমনই পদ ওখানে পাওয়া যায়, তাই বাবা বলেন -- বাচ্চারা, খুব ভালোভাবে পুরুষার্থ করো তাহলে সাজা ভোগ করবে না । তিনি অবশ্যই পুরুষার্থ করান । যদিও তিনি জানেন, তারাই হতে পারবে যারা কল্প পূর্বে হয়েছিল, তবুও অবশ্যই তিনি পুরুষার্থ করান । যারা বাবার কাছাকাছি থাকেন তারা পূজাও খুব ভালোভাবে করে থাকেন । প্রথমদিকে তোমরা আমাদের পূজা করো । তারপর অন্য দেবতাদের পূজা করো । এখন তোমাদের দেবতা হতে হবে । তোমরা যোগবলের দ্বারা তোমাদের রাজ্য স্থাপন করছ । যোগবলের দ্বারাই তোমরা বিশ্বের বাদশাহী নাও । বাহুবলে কেউই বিশ্বের বাদশাহী নিতে পারে না । ওরা ভাই - ভাইকে নিজেদের মধ্যে লড়াই - ঝগড়া করিয়ে দেয় । কতো বারুদ তৈরী করে । ধারে একে অপরকে দিতে থাকে । বারুদ হলো বিনাশের জন্য কিন্তু এ কথা কারোর বুদ্ধিতেই আসে না, কেননা তারা মনে করে এই কল্প লাখ বছরের । মানুষ ঘোর অন্ধকারে আছে । বিনাশ হয়ে যাবে আর সকলে কুস্কর্ণের নিদ্রায় নিদ্রিত থাকবে । কেউই জাগবে না । তোমরা এখন জাগ্রত হয়েছো । বাবা হলেনই জাগ্রত জ্যোতি, নলেজফুল । বাচ্চারা, তোমাদের তিনি নিজের সমান বানান । ও হলো ভক্তি আর এ হলো জ্ঞান । এই জ্ঞানে তোমরা সুখী হও । তোমাদের মনে হওয়া উচিত, আমরা আবার সতোপ্রধান হচ্ছি । বাবাকে স্মরণ করতে হবে । একেই বলা হয় বেহদের সন্ন্যাস । এই পুরানো দুনিয়া তো বিনাশ হয়ে যাবে । এতে প্রাকৃতিক বিপর্যয়ও অনেক সাহায্য করে । সেই সময় তোমরা সম্পূর্ণ খাবারও পাবে না । আমরা আমাদের খুশীর খাবারেই খুশী থাকবো । তোমরা জানো যে, এইসবই শেষ হয়ে যাবে । এতে মন খারাপের কোনো কথাই নেই । বাচ্চারা, আমি তোমাদের সতোপ্রধান বানাতেই আসি । এ তো কল্পে কল্পে আমারই কাজ । আচ্ছা ।

মিষ্টি-মিষ্টি হারানিধি বাচ্চাদের প্রতি মাতা-পিতা বাপদাদার স্নেহ-সুমন, স্মরণ-ভালবাসা আর সুপ্রভাত । ঈশ্বরীয় পিতা ঔঁনার ঈশ্বরীয় সন্তানদেরকে জানাচ্ছেন নমস্কার ।

ধারণার জন্য মুখ্য সার :--

১) স্বয়ং ভগবান আমাদের উপর দয়া করেছেন, তিনি আমাদের পড়াচ্ছেন, এই নেশায় থাকতে হবে । পড়া হল সোর্স অফ ইনকাম তাই মিস্ করবে না ।

২) অগাধ খুশীর অনুভব করতে হবে এবং করাতে হবে । চলতে - ফিরতে দেহী - অভিমানী হয়ে বাবার স্মরণে থেকে আত্মাকে অবশ্যই সতোপ্রধান করতে হবে ।

বরদান :--- নিজের শ্রেষ্ঠ বৃত্তির দ্বারা বিশ্বের পরিবেশ পরিবর্তন করে আধারমূর্ত ভব

তোমরা বাচ্চারা কেবল নিজের জীবনের জন্যই আধার নয়, কিন্তু বিশ্বের সমস্ত আত্মাদের আধারমূর্তি । তোমাদের শ্রেষ্ঠ বৃত্তির দ্বারা এই বিশ্বের পরিবেশ পরিবর্তন হচ্ছে । তোমাদের পবিত্র দৃষ্টির দ্বারা এই বিশ্বের আত্মা এবং প্রকৃতি দুইই পবিত্র হচ্ছে । দৃষ্টির দ্বারাই সৃষ্টির পরিবর্তন হচ্ছে । তোমাদের শ্রেষ্ঠ কর্মের দ্বারাই শ্রেষ্ঠাচারী দুনিয়া তৈরী হচ্ছে । এখন তোমরা যখন এতো বড় দায়িত্বের মুকুটধারী হচ্ছে তখন তোমরা ভবিষ্যতে মুকুট এবং সিংহাসনের অধিকারী হবে ।

স্লোগান :-- সর্বশক্তিমান বাবাকে যদি নিজের সাথী বানিয়ে নাও তাহলে কোনো বিঘ্নই তোমাদের
আটকাতে পারবে না ।